

增定廬山志卷十

淮南李 澄鏡月編輯

北平吳 煒粲叟重訂 高沙王 蕙子芳

叅閱

石城陳翼暉扶曦

山川分紀九

山北由吳章山東北行至南湖觜

吳章山馬祖山大孤山

鷹觜崖東北爲吳章山

桑疏吳章山者匡山之末也或謂吳鄣山吳鄣者吳

廬山志

卷十

十

日思堂

所保鄣也或曰山卑不足以言鄣昔有吳章者家此山下既死葬此故名山巔有官亭

吳章山東有小山亦名香爐峰其上有紫雲菴

〔新志〕廬山有三香爐峰

紫雲菴東有觀易臺

增

〔薛應旂觀易臺記〕薛子署白鹿洞書院日盤桓於五

老峯下樂其奇勝自謂與僻性相宜但好事者時或至止亦未免接應款答諸生中好靜者稍以爲言於是講習之暇相從遊覽逖訪窮探踰年幾遍匡廬諸

勝矣一日偃息於東林寺中僧弘演出廬山志示之且指說往跡遺事余謂之曰此皆吾所知亦古今人所共遊也茲山鎮壓九江南康盤據三百餘里其幽崖絕壑不可勝計必有人跡所罕至者汝尚爲我言之僧遲疑踰時謂此中有人相約勿洩然業已露矣翊旦僧遂引余出寺東稍南折踰澗水入山坡僻仄陡峻不容竹兜余乃攝衣徒步攀崖緣澗登陟窈窕紆迴灌莽無廬數十重始於香爐峰之陰長松修竹中得紫雲菴而棲息焉菴有禪僧獨趺坐榻中始若

廬山志

卷十

二

日思堂

弗憚旣亦相解余遂樂而畱之菴之東有巨石如砥縱橫約三丈餘余終日坐於其上恍若有悟時閩遵巖王子以叅議分守是方聞之亦徒步過訪遂屬有司爲余築室三間題曰觀易臺云余時倦於支離行不挾冊或進而問曰吾見先生之居於是也終日頹然爾矣觀易之義將無負乎余顧謂諸生曰夫夫也謂易爲真有畫也謂易爲真有卦爻彖象也二三子不觀乎日月之往來草木之榮悴雲物之卷舒遊塵之聚散俯仰只尺變態倏忽上下六合消息萬狀無

在而非易也無時而非易也吾之觀易也觀是焉爾矣諸生聞吾之言若有契焉遂請書以爲記時嘉靖戊戌秋九月旣望也

吳章山東南爲馬祖山其上有馬祖寺其東有香積寺  
〔桑疏〕馬祖者唐道乙禪師也初祖達摩直指明心教人授一人謂之單傳至六祖能大師傳之廣矣能再傳至馬祖與希遷傳逾廣馬祖之弟子入室者百三十二人相傳馬祖常寓此山故以名寺

〔桑疏〕香積寺西有虎洞與馬祖洞通

廬山志

卷十

三

日思堂

〔桑疏〕山特起南接茶山嶺趙清獻公有同國博周敦頤遊馬祖山詩

〔桑疏〕馬祖石馬祖泉馬祖洞白蓮池皆在馬祖山

〔新志〕馬祖得法後居此一紀白蓮祖手植也

〔桑疏〕香積寺南有虎洞與馬祖洞通

馬祖山水其一逕夏家橋女兒港入彭蠡湖其一逕廣信橋黃婆觜入彭蠡湖

馬祖山東北爲大孤山

〔桑疏〕大孤山在鄱陽湖濱其末突出湖心數十丈

其側有女兒港

〔桑〕疏女兒港西有廣信橋今崩圯

〔桑〕疏港不知所由名在大孤洲可泊舟明學士曾榮  
有女兒港詩

增

〔胡〕虛白大孤廟詩大孤廟前江樹青老魚吹浪水雲  
腥神雅啄食不飛去過客賽神姑有靈

增

〔黃〕庶大孤山詩彭蠡百里南國襟萬頃蒼煙插孤岑  
不知天星何時落春秋不書不可尋石怪木老鬼所  
附茲乃與水同浮沉鳴鷗大藤樹下廟祭血不乾年

廬山志

卷十

四

日思堂

世深舳艫千里不敢越割牲釃酒來獻斟我行不忍  
隨人後許國肝膽神所歆落帆夜宿白鳥岬睥睨百  
遶寒藤陰銀山大浪獨天險比干一片崔嵬心宦遊  
遠去父母國心病若有山水淫江南畫工今誰在拂  
拭束絹傾千金

塔尖山龍泉寺金沙洲鞋山

吳章山東北有小山爲塔尖山其下有龍泉寺

〔九〕江志龍泉寺者晉僧遠建也建元末兵燬至明洪  
武初僧祖觀重建龍泉在寺內

潯陽舊志井卽晉遠公以杖刺地出泉天旱誦龍王經致雨處也

桑疏十八高賢傳言慧遠搆菴於西林之東以居曰龍泉精舍其後桓伊爲之請立寺曰東林則遠之龍泉卽今東林寺也蓋假託其名云

桑疏方竹大者可爲杖

其東有仁壽寺

桑疏寺不知何代建株橋在仁壽寺東北

又東北有金沙洲

廬山志

卷十

五

日思堂

桑疏洲在女兒港東北皆白沙水漬而日映之粲如黃金色故名明太祖與陳友諒戰鄱湖常艤舟於洲下友諒有術士能以術爲兵嘯風揚沙風忽轉爲我用友諒軍盡眯殲之洲上龍泉之水逕株橋入方塘湖洲東大湖中有小山是爲鞋山

潯陽記山形如鞋高數十丈大禹嘗刻石紀功有乞食烏嘗逐客舟行舟人搏飯投之卽接食高下不失

石劔米元章眠雲二字

〔桑〕疏昔禹治洪水至此刻石紀功或言秦始皇所勒  
〔搜〕神記常有估客舟下都者過之見二女子謂曰至  
都幸爲買兩緗絲履估客意其神也至都卽爲市履  
盛以小笥并置書刀其中比還至廟薦笥履而去忘  
書與刀舟方泛忽一鯉躍入舟中剖之爲書與刀  
洞林山陶墓江磯山南湖觜

吳章山北爲洞林山

〔桑〕疏陳友諒之攻南昌也常立柵洞林之上屯健卒  
以扼鄱湖塞吳章道其將乘白馬友諒敗其衆殲焉  
廬山志 卷十 六 日思堂  
後遂爲厲每風雨中行者聞其上如有人聲皆畏惡  
之有雷某氏取其山石數條甃宅未幾宅燬村民禱  
祀者必先祈焉曰白馬將軍

其北爲硤石谷東北爲覆船山其下爲方塘湖

〔桑〕疏硤石路由兩山間隘而深如永巷過此卽沃野  
水竹森茂一佳境也

增

〔權〕得輿發峽山路上郤寄內詩莎柵東行五谷深千  
峯萬壑雨沉沉細君幾日路經此應見悲翁相望心  
〔桑〕疏吳章山東北湖之名者以十數方塘湖最大東

西長十數里其水東北流歷磨石壠入鄱陽湖陳和橋一名黃荆橋在方塘湖北

洞林山迤北有小山爲長嶺其東有陶九相公墓

〔桑〕疏磨刀澗在九江府東五里山北之水會而下流者也其北卽白水港白水湖

〔桑〕疏長嶺者栗樹嶺之支也在磨刀澗東北蜿蜒行長可十七八里其支條紛蟻糾曼衍不可枚數其濱江者皆溯水而西爲郡城屏護其最西盡乎湓浦之上郡城在焉其勢踴躍奔湊爲最勝云

廬山志

卷十

七

日思堂

〔紀〕畧至正壬辰天完將陶九以兵陷瑞州癸巳江西行省左丞火佉赤復瑞州九敗走後卒墓於此

〔桑〕疏陶墓在長嶺之末方塘湖濱有九水會焉曰九龍灣相傳葬者陶九之大母非陶九也墓所有社壇正德中九江大早有僧謂湖濱諸父老云諸神能救茲旱者惟陶九耳其像乃在黃梅五祖寺之廡下父老怪之相率往訪果有像乃鑿沉香爲之者迎歸歸而籟之果大雨墓高僅一二尺村氓以爲土神歲以五月五日九月九日祭墓墓有神靈無敢斬其丘木

卽老木摧折至腐蠹無敢睨視而湖故有鯨魚怪能鼓浪乘風雨而飛歲率以九月上旬入方塘湖抵墓所而還謂之朝墓來則風雨晦冥水驟湧魚柵木拱把者當之皆斷折凡欲蓄魚方塘湖必謹祀墓否則其怪必潰堤決圍引衆魚去

陶墓之東爲牛頭山其東北有高山廟又東北爲江磯山江磯寺又東北爲南湖觜

〔桑〕疏牛頭山在磨刀壠東北麥苴湖在牛頭山西高山廟西有安仁舖東北有桃花壠陶家山崇德舖東

廬山志

卷十

八

日思堂

北則至江磯山南湖觜

〔桑〕疏南湖觜山當鄱陽湖口其山迤邐突出湖心數里左江右湖其勢甚險東引鄱陽北俯楊家穴南控楊瀾左蠡諸山而與青山白石相望爲氣勢制禦水盜地甚要山水旦夕四時之變陰晴顯晦不齊之觀境甚清

〔桑〕疏明大祖征陳友諒劉基請移軍湖口以金木相犯日勝從之八月八日移屯南湖觜友諒糧盡沿江下流走追擊太破之友諒死事詳太祖實錄

山北由吳章山西南行至三山澗

虎山天花井山寶嚴寺

吳章山西爲虎山又西南爲火山其側有龍潭菴

〔桑疏〕虎山有石如虎與天花井山獅子崖對峙

〔桑疏〕火山在虎山西南邃谷中石尖露燁燁如火其下有龍潭有魚浮遊而不避人或曰龍池不可投以石龍潭菴在火山西南黃茅衝下

虎山西北爲天花井

〔桑疏〕天花井山去吳章山五里所山頂砥平而中陷

廬山志

卷十

九

日思堂

爲坎窞窞之內又有小池僧就而菴焉池乃在菴之堂前因甃以爲井而寺之西故有一井菴僧又別鑿一井凡三井故謂之天花井其後有龍出僧厨下而殿前之井遂堙後菴數火遂徒馬尾水衝

〔桑疏〕湧水泉在山北朴樹凹在山西獅子崖在山東崖有獅子石黃茅衝在獅子崖西南天花井之背也天花井山有水道如永巷高廣可一尋

天花井山北有寶積寺山西有興福菴獅子菴

〔桑疏〕興福菴在寶積西南山破中獅子菴在興福菴

西

〔九江志〕寶積寺宋僧允光建後廢明宣德中僧道□  
重建成化中僧慈瑛正德中僧行勇繼修在天花井  
山北麓

天花井山東北爲烏稍嶺西北爲丫髻山

〔桑疏〕天花井山雖居廬阜之末然其支散爲諸岡阜  
所行甚遠東北行爲烏稍爲丫髻而丫髻之散其支  
有九西踰磨刀澗自潯東門入爲兵備道九江衛府  
公署而盡於湓浦又小支自栗樹嶺益西爲城南石

廬山志

卷十

十

日思堂

塘舖諸岡阜而盡於孫家湖

天花井北之水逕濂溪墓西北行爲濂溪港

丫髻山側舊有寶嚴寺香嚴閑和尚之道場也

〔傳燈錄〕香嚴閑禪師南嶽四世法嗣瀉仰宗初事百  
丈海以辯博聞海未有以鞭辟之也及海死閑去依  
瀉山佑瀉山業已先知之矣甫入門卽斥其辯博通  
敏者以爲意想見解皆業識所爲生死根本逆杜其  
口不使置一辭然後以父母未生身時事徵詰之閑  
無以應歸而遍索生平所習文字亦無一言可酬對

者閑大沮屢祈瀉山言瀉山固拒不與之言閑既不  
得瀉山言又自求之不得展轉無所依益大疑不自  
釋乃涕泣辭瀉山去止南陽念佛自分絕望於禪道  
矣他日嘗自芟草擲瓦礫擊竹有聲忽大悟遽歸禮  
瀉山瀉山始首肯之後入廬山住寶嚴寺

濂溪墓大源山雙劍峯

丫髻山東北爲鳳凰山

〔桑〕疏鳳凰山水流入方塘湖

天花井山西北爲栗樹嶺

廬山志

卷十

十一

日思堂

〔桑〕疏栗樹嶺亦名三起山丫髻山之支也

其下有濂溪先生墓

〔桑〕疏墓在栗樹嶺南初先生少孤與其母僊居縣太  
君鄭氏依其舅龍圖公向居閩州鄭名其諸子以惇  
故先生亦名惇丁丑太君卒卽口丹徒縣龍圖公墓  
側後四十四年辛亥先生爲廣西提刑而水齧太君  
之墓先生因乞知南康軍遂改葬太君於江州三起  
山明年壬子先生卒因葬諸太君墓左蓋治命也墓  
雖面蓮花峯而相去乃二十餘里弘治庚戌九江守

童潮始輯祠置田以供祭祀廖紀爲記後十四年提學邵寶爲請於道州取先生裔孫周倫來主其祀焉

〔桑〕疏墓道碑在石塘橋南距墓五里所題曰濂溪周元公之墓道今廢

〔朱〕文公熹濂溪先生行實先生姓周氏名惇實字茂叔避厚陵藩邸名改惇頤世居道州營道縣父輔成大中祥符八年蔡齊榜進士爲賀州桂嶺令贈諫議大夫母鄭氏封僊居縣太君先生少孤養外家景佑中用舅氏龍圖閣學士鄭公向奏試將作監主簿授

廬山志

卷十

十二

日思堂

洪州分寧縣主簿先生博學力行遇事剛果有古人風其爲政精密嚴恕務盡道理縣有獄久不決先生至一訊立辨衆口交稱之部使者薦其才爲南安軍司理獄有囚法不當死轉運使王逵欲深治之逵苛刻吏無敢與相可否者先生獨與之辯不聽則置手板歸取告身委之而去曰如此尚可仕乎殺人以媚人吾不爲也逵感悟囚得不死且賢先生薦之移郴州桂陽令皆有治績用薦者改大理寺丞知洪州南昌縣南昌人見先生來喜曰是能辨分寧獄者於是

更相告語勿違教命而以污善政爲恥也政太子中書舍人簽書合州判官事轉殿中丞一郡之事不經先生手吏不敢決民不肯從趙清獻公爲使者人或讒先生趙公臨之甚威而先生處之超然也轉國子博士通判虔州趙公來爲守熟視先生所爲執其手曰今日乃知周茂叔遷尚書虞部員外郎通判永州權發遣邵州事新學校以教人熙寧元年用趙公及呂正獻公薦爲廣南東路轉運判官三年轉虞部郎中提刑獄先生不憚出入之勞瘴毒之侵雖荒崖絕

島人跡所不至處亦必緩視徐按務以洗冤澤物爲已任設施措置未及盡其所爲而先生病矣因請南康軍以歸趙公再尹成都復起先生朝命及門而先生卒矣熙寧六年六月七日也年五十有七葬江州德化縣清泉社娶陸氏封縉雲縣君再娶蒲氏封德清縣君子壽燾皆太廟齋郎先生所著書有太極圖易說易通數十篇詩十篇藏於家先生在南安時年甚少不爲守所知洛人程公珦攝通判事視其氣貌非常人與語知其學爲知道也因與爲友且使其子

顥頤受學焉及爲郎故事當舉代每一遷授輒以口  
之程公二子皆倡明道學以繼孔孟不傳之統世謂  
二程先生者其原蓋自先生發之也在郴州時其守  
李公初平知先生賢不以屬吏遇之旣薦諸朝又周  
其困乏嘗聞先生論學歎曰吾欲讀書如何先生曰  
公老矣無及也惇頤請得與公言之初平遂日聽先  
生語蓋二年而有得王荆公提點江東刑獄時已號  
爲通儒先生遇之與語連日夜荆公退而精思至忘  
寢食先生自少信古好義以名節自砥礪其奉己甚

廬山志

卷十

十四

日思堂

約俸祿盡以周宗族在南昌時得病暴卒更一日夜  
始甦或視其家一敝篋錢不滿百李初平卒子幼不  
克葬先生護其喪歸葬之分司而歸妻子饗粥不給  
曠然不以爲意也廬山之麓有溪焉築室其上名之  
曰濂溪因語其友清逸居士潘延之曰可仕可止古  
人無意必所以束髮爲學將有以施設加澤於斯民  
必不得已止未晚也濂溪者異時與子相從於其上  
歌咏先王之道足矣此其出處之本意也豫章黃庭  
豎稱之曰茂叔人品甚高胸中灑落如光風霽月好

讀書雅意林壑不卑小官職思其憂論法常欲與口  
決訟得情而不喜其爲使者進退官吏得罪者自以  
爲不冤濂溪之名雖不足以對其美然茂叔短於取  
名而樂於求志薄於徼福而厚於得民菲於奉身而  
尚友千古聞茂叔之風猶足律貪則此溪之水配茂  
叔以永久所得多矣識者亦或有取於其言云

羅洪先謁濂溪祠墓詩匡廬開曉霽懷古見芳襟溪  
水清堪溯林風靜自吟山如蓮乍發庭與草俱深此  
日生芻奠還同執贄心 外物等銖塵方知貴在身

廬山志

卷十

十五

日思堂

一抔誰不共四海此常親地似依防墓鄉猶近楚隣  
築場來已晚願作掃除人 軻死誰爲繼寥寥千載  
悲寧知無極語始應聚奎期南矣道方啓歸歟樂在  
茲初平還我輩聽語恨非時

孫應鰲次韻詩地切名儒墓瞻依洽素襟水蘋成獨  
薦風葉自相吟廬阜高何極潯江信幾深卜居鄰有  
道灑掃亦吾心

栗樹嶺北諸水西北行爲磨刀澗

墓西南山麓有地曰天子堂

堂在丫髻山側然皆穿鑿斷裂不完整自烏梢丫髻而自潯陽東門之外凡三斷之而丫髻所斷處名缺子坳當兩山門溝而絕之深八九尺廣五六尺俗所傳銅釘釘狗血厭之說與程史所記無異而東門之壠乃斷爲大渠通老鶴塘當初斷時出水皆赤色然不知孰斷之或曰元順帝斷或曰陳友諒斷或曰劉基見友諒都江州得勝地使謀誘之斷渠以洩敗之或曰友諒旣敗劉基以地形勝慮生英雄覬覦之心言於明太祖而鑿之也

廬山志

卷十

十六

日思堂

天花井山之西爲大源山其下有馬尾水谷

桑疏馬尾水谷南通水梘衝東南通黃茅衝

馬尾水谷東南有天花庵谷西南有九峰庵馬尾水

桑疏馬尾水谷轉而西南行谷益邃水聲潺潺鳴深澗中澗北峭壁如崇墉龍門山之背也

桑疏九峰者總龍門之墟山之尖削者九也九峯庵卽馬尾水庵在龍門山南茂林中馬尾水在九峯庵前大澗中

九峯庵水出谷與龍門之水會

大源山西有興隆寺

〔九江志〕興隆卽馬鞍寺宋紹定間僧質曇建明永樂中僧祖祥正統中僧師益成化中僧圓旺相繼修

〔桑疏〕馬鞍山在寺西

大源山西南有高峰峰西南有大壑曰龍門

〔桑疏〕龍門者雙劍峯下之大谷也當谷口有大龍潭徑路險側攀緣而進兩崖石皆奇峭

〔續志〕龍門之巔有曇花菴在振衣峰北僧慧明建菴下一里許雲中菴僧可明建雲中菴前有半月峯其

廬山志

卷十

十七

日思堂

下有扶輦洞

龍門壑東有寺曰龍門寺

〔桑疏〕龍門寺在澗東山巔然高寒屋不可瓦澗之西舊有一龍門寺初居者以其地爲最吉未幾輒火避難衝在寺西南二三里元末土人所保以避兵處也有洞在絕壁旁有字刻高不可辨

龍門之西爲雙劍峯其下有劍峯菴

〔桑疏〕峯正與九江郡治對其峯雖峭峻然不及山南劍峯也

程史宋乾道中蜀人文立方守江州謂曹翰攻江州實屠其民其後李成等寇亦常入郛皆雙劍所致乃闢譙樓前地築二城夾樓而轟其上謂之匣劍

桑疏菴在雙劍峰下菴甚盛後燬今復剏小菴

雙劍峰下有池一名小天池

桑疏其池冬夏不涸常有龍居

雙劍之西北有太乙宮

桑疏太乙宮卽祥符觀亦董奉之道場也

程史周教授家太乙祠前蓄健犬數十旣而被盜後

廬山志

卷十

十八

日思堂

盜被獲問犬所以不吠蓋盜以豚蹄傳麻紵雜草烏烹之投與犬食之無復聲者

雞公石山圭璧峰錦繡峰蓮花峰

雙劍之西南有峻山曰雞公石山蓮花三峰之首也

桑疏山椒有石如雞其味加於蓮花之巔曰雞公石

雞石山東北爲圭璧峰其下有圭璧菴

桑疏圭璧峰峭直而偃首如圭故曰圭璧或曰其首

穹窿如龜背故曰龜背峰圭璧菴正德中僧本聰建

□壁之西南爲錦繡峰其下有錦繡菴

〔桑〕疏山蔥蒨如紆錦故名風洞在錦繡峯北小山側高不滿尺常有風自內出夏寒冬燠騞騞逼人錦繡之西南爲蓮花峯其下有蓮花菴

〔桑〕疏峯卽周元公所卜居者也數峯攢簇如蓮花故名

〔桑〕疏塘塍壩在蓮花峯西北壩兩涯邃澗陡絕窄徑孤危

〔九江志〕蓮花菴正德中僧大遷修董奉館在蓮花峯下

廬山志

卷十

十九

日思堂

〔桑〕疏一統志九江府舊志并云董奉館在廬山第三嶺後巖下而不載嶺巖之名惟九江新志乃曰董奉館在蓮花峯峯下今有杏林遺跡夫蓮花峰豈廬山第三嶺耶然太乙宮肇自祥符間則其說自宋已然意必別有所據故述之

〔桑〕疏九江新志以周顛天眼尊者徐道人分載三峯之下曰三僊嘗修煉於此也夫周顛輩預吐禎符以翊景運神異之流非兀坐一室事修煉者居菴之說傳聞未盡實也

圭壁之東北爲筋竹嶺有僧室二曰朝陽菴筋竹菴

□疏嶺地夷敞多筋竹故名朝陽菴在筋竹嶺北□  
竹菴在朝陽菴北

三峯之下爲蓮花洞

○桑疏蓮花洞者三峯之墟是也四山壁立中豁而深  
○郡志蓮花洞門高丈許藤蘿交蔭晝日常黯黯水泉  
冬夏不竭○桑疏今三峯之下無此洞不知所指

○新志三峯之北有僊人巖○桑疏今三峰之墟并無有  
穴竇可名巖者疑其因廬出記董奉所居之上有僊

廬山志

卷十

二十

日思堂

人巖而誤也

○續志蓮花圭壁三峯之北麓江州黃雲師築室其間  
曰谷口草堂

三峯之水西北行逕花山過新橋爲濂溪港

○桑疏山口有崖曰龍蕩崖有石如船曰石船澗

撥雲峯清虛觀雲溪寺

三峯之北有峯曰撥雲峯其北有半雲菴又北有清虛  
菴後有泉曰神泉

□疏撥雲峯在蓮花峯北半雲菴在撥雲峯山坳中

其左有路可至蓮花峯上

〔九江志〕清虛菴卽清虛觀宋皇甫真人之居也後兵燬明僧道本重建覺海行安繼修

〔桑疏〕初觀成道流咸集苦水遠坦使人荷鋤斲菴側地應手泉湧德壽聞爲大書神泉二字賜之坦歸鑄之石壁亭其上曰神泉今不知所在

眞僊通鑑皇甫坦字履道臨淄人避地入蜀居峨嵋山常暮行風雪中聞人有呼之者顧見一道人臥小菴中因畱與抵足眠坦自覺熱氣自兩足入蒸蒸浹

廬山志

卷十

二十一

日思堂

體甚和適比曉道人告曰他日可訪我於靈泉觀坦後往靈泉訪之始知所遇者妙通眞人朱桃椎也其後復與妙通會酒肆中盡得坎離虛實之旨內外二丹之秘常宴坐不寐其兩足外踝皆平偃頂有珠光紹興中顯仁太后患目瞽國醫不能瘳太后夢黃衣道士髯而長耳自言能治目高宗詔有司物色之臨安守廉得以聞詔入見慈寧殿坦爲嘘呵布氣目卽愈瞽脫瞭然矣又詔療僊韶甄孃躄亦卽愈辭還山兩宮賜賚甚厚皆不受又通鑑坦旣還山賜詔存問

詔築室廬阜以便往召兩宮賜金爲築室費不受賜御書清虛菴額詔繪坦像御贊之既內禪又召見康壽殿凡四赴召德壽歲時遣問不絕淳熙五年坐逝初靖康之難曹勛自燕以徽廟御札還至河上無舟與一道士縛葦爲筏以濟既濟僵且死道士燃葦燎之甦問其姓名不告惟曰朱真人以公爲社稷計故使濟公後二十年當見公於錢塘及坦應召至勛見而識之與話舊感泣再拜贈詞德壽聞之故宣問迎勞館伴必以勛焉

廬山志

卷十

二十二

日思堂

宋史湖南帥李道雄敬坦出諸女使相之見其中女大驚不受拜曰是他日爲天下母既乃言於高宗爲皇太孫納之卽光宗后李氏也性妬悍常訴嘉王左右於光堯光堯大怒曰皇甫坦誤我

續志清虛菴右有凌虛閣左有青蓮菴

張孝祥清虛觀詩石側疑無路山回別有天神泉通玉海帝畫麗奎躔紫闥雖重到青瑤却未鐫只須香案吏爲寫白雲篇

撥雲峯又北爲花山其下有雲溪寺

〔桑〕疏花山者蛇岡嶺之首也崑崙不奇勝〔續志〕岡上有金明菴

〔九江志〕雲溪寺在花山南麓永樂中僧了空建嘉靖中圓鏡修

雲溪之名僧曰智瑛禪師

〔桑〕疏僧智瑛上元縣人正統初住雲溪初行頭陀行爲諸僧負薪米力作已而有所悟生平不識文字晚乃能詩廬山自明洪武中天眼尊者與赤腳之後得佛宗旨者惟智瑛云初智瑛語其徒曰某月日吾當

廬山志

卷十

二十三

日思堂

逝逝必有風雷之驚旣近期又預報諸菴靜主使來集及期諸菴主皆集天朗霽無纖雲或疑其言不售幾罷去旣午有片雲自西而起瑛乃沐浴具威儀禮佛退與諸菴主作別已而疾風震雷掣茅墮瓦疾風旋舞自下而上轉入空際衆祖瑛已坐脫久矣

〔桑〕喬曰九江新志云雲溪寺在石鏡峯下又云石鏡峯在廬山北形如圓鏡光彩高明但不的言其處三峯左右與廬山之北皆無有峰可名石鏡者而廬山圖又繪爲圓石置諸雙劍之間曰此石鏡也然雙劍

之巔亦無此石不識何也

蓮花洞中有報國寺

〔新志〕宋僧守端建雲溪寺亦守端建報國寺已久廢址亦無存

蓮花峯北麓有劉僊官壇

〔搜神記〕漢時有僊官劉綱謫居蓮峯下奉章上帝救德化縣令張某之死又唐乾寧中廬山書生張璟以所業之桂州欲謁連帥張相至衡州犬嗅灘損船上岸寢於江廟廟神延坐從容云有王立仁者罪合誅

廬山志

卷十

二十四

日思堂

族吾爲其分理奏於嶽帝無人作奏璟爲草之旣奏蒙允神喜以白金餅爲贈

〔桑〕疏壇久廢其基亦不知處

龍蕩崖石船河

〔桑〕疏龍蕩崖在蓮峯之水口有石如船當水所行道謂之石船其澗曰石船河

禪智院

〔桑〕疏禪智院對雙劍峯稍偏正對山之山外峯曰小石榴峯

雙劍峯東北谷窈窕而深曰避難衝

桑疏衝在龍門之西南二三里元末兵亂土人所保以避兵處也

新志龍門雙劍之下徑路險歹其兩崖石皆奇削